



## এসএমসি এবং এসএমসি এন্টারপ্রাইজ লিমিটেড এর নতুন চেয়ারম্যান

এসএমসি জনাব ওয়ালিউল ইসলামকে কোম্পানীর চেয়ারম্যান হিসেবে তার নতুন ভূমিকায় স্বাগত জানায়। জনাব ওয়ালিউল ইসলাম ৭ সেপ্টেম্বর, ২০২১ সাল থেকে দুই বছরের জন্য এসএমসি এবং এসএমসি এন্টারপ্রাইজ লিমিটেড এর পরিচালনা পর্ষদের নতুন চেয়ারম্যান হিসেবে নির্বাচিত হয়েছেন। জনাব ইসলাম গণপ্রজাতন্ত্রী বাংলাদেশ সরকারের একজন অবসরপ্রাপ্ত বেসামরিক কর্মকর্তা।

তিনি ১৯৬৭ সালে তৎকালীন সিভিল সার্ভিস অব পাকিস্তানে (সিএসপি) যোগদান করেন এবং পরবর্তী ৩২ বছর ধরে পাকিস্তান ও বাংলাদেশ সরকারের বিভিন্ন পদে দায়িত্ব পালন করেন। তিনি বাংলাদেশ সরকারের পরিকল্পনা মন্ত্রণালয় (পরিসংখ্যান বিভাগ), যোগাযোগ মন্ত্রণালয় (সড়ক ও রেলপথ) এবং নৌপরিবহন মন্ত্রণালয়ের সচিব হিসেবে দায়িত্বরত ছিলেন। তিনি বাংলাদেশ পরিসংখ্যান ব্যুরোর (বিবিএস) মহাপরিচালক হিসেবেও দায়িত্ব পালন করেন।

## সম্মানিত বোর্ড সদস্য এবং এসএমসি এর উপ-ব্যবস্থাপনা পরিচালক বরিশালের প্রোগ্রাম কর্মসূচিতে যোগদান করেন

এসএমসি'র প্রোগ্রাম বিভাগ ২৮-২৯ সেপ্টেম্বর, ২০২১ তারিখে প্রসূতি বিশেষজ্ঞ এবং গাইনোকোলজিস্ট (ওবিজিওয়াইএন) এর সাথে 'এক্সপেরিয়েন্স শেয়ারিং' মিটিং, কমিউনিটি মোবাইলাইজেশন পার্টনারদের সাথে 'পারফরম্যান্স রিভিউ এবং পরিকল্পনা সভা' এবং 'নতুন স্বাস্থ্য নেটওয়ার্কসমূহের সুযোগ অন্বেষণে শিশুরোগ বিশেষজ্ঞদের সাথে গোলটেবিল বৈঠক' সহ মোট তিনটি অনুষ্ঠানের আয়োজন করে। এসএমসি'র সম্মানিত বোর্ড পরিচালক জনাব ফারুক আহমেদ এবং প্রফেসর ড. ফারহানা দেওয়ান, অনুষ্ঠানসমূহে যোগদান করেন এবং অংশগ্রহণকারীদের অনুপ্রাণিত করার জন্য তাদের অভিজ্ঞতা শেয়ার করেন। ডাঃ মোস্তাফিজুর রহমান, লাইন ডিরেক্টর, ন্যাশনাল নিউট্রিশন সায়েন্সেস, হেলথ সার্ভিসের মহাপরিচালক এই অনুষ্ঠানগুলোতে যোগ দেন এবং এসএমসি কর্তৃক বাস্তবায়িত পুষ্টি ও গ্রোথ মনিটরিং এন্ড প্রমোশন (জিএমপি) কার্যক্রম পর্যবেক্ষণ করেন এবং এর ভূঁয়সী প্রশংসা করেন। এসএমসি'র উপ-ব্যবস্থাপনা পরিচালক জনাব তসলিম উদ্দিন খান এবং এডিশনাল জেনারেল ম্যানেজার, প্রোগ্রাম অপারেশনস, জনাব মশিউর রহমান এসএমসি বোর্ডের পরিচালকগণের সাথে ছিলেন এবং অনুষ্ঠানে বিভিন্ন প্রোগ্রাম কর্মসূচির সার্বিক উন্নতির জন্য গুরুত্বপূর্ণ দিক নিয়ে আলোচনা করেন।



## এসএমসি'র আইএসও ৯০০১:২০১৫ সার্টিফিকেট অর্জন

এসএমসি ২০২১ সালের জুলাই মাসে ইন্টারন্যাশনাল অর্গানাইজেশন ফর স্ট্যান্ডার্ডাইজেশন (এসজিএস) কর্তৃক আইএসও (ISO 9001:2015) সার্টিফিকেট অর্জন করে। প্রধান কার্যালয়, সেন্ট্রাল ওয়ারহাউস এবং নিলতারা ক্লিনিক ও মডেল ফার্মেসিকে গুণগত ব্যবস্থাপনা পদ্ধতির নির্দিষ্ট মানদণ্ড বজায় রাখার জন্য এসএমসিকে এই আন্তর্জাতিক স্বীকৃতি প্রদান করা হয়। সার্টিফিকেশন বডি এসজিএস বাংলাদেশ তিন বছর ধরে ধারাবাহিক নিরীক্ষার মাধ্যমে এসএমসি'র বিভিন্ন কার্যক্রমের উপর অডিট করে। নিঃসন্দেহে এই সনদপত্রটি এসএমসি এবং এর পরিষেবাগুলোকে গ্রাহক এবং স্টেকহোল্ডারদের কাছে আরও গ্রহণযোগ্য করে তুলবে।

## এসএমসি টাওয়ার-২ এখন আর স্বপ্ন নয়

দারুসসালাম, মিরপুর রোডে অবস্থিত এসএমসি'র স্বপ্নের একটি প্রকল্প এসএমসি টাওয়ার-২ এর কার্যক্রম চালু হয়েছে। নির্ধারিত সময়ে এসএমসি'র প্রকৌশল বিভাগের নিরলস প্রচেষ্টায় ১৪.২১ কাঠার উপর ভবনটি নির্মিত হয়েছে। আধুনিক এবং মানসম্পন্ন প্রযুক্তি ব্যবহার করে ১৪ তলা বিশিষ্ট এই ভবনটি উন্নতমানের নির্মাণ সামগ্রী ও আরসিসি ফ্রেমযুক্ত কাঠামো দিয়ে তৈরি।

প্রশস্ত র‍্যাম্পসহ ভবনটিতে ৩টি বেইজমেন্টে ৪৮টি গাড়ি পার্কিং এর ব্যবস্থা রয়েছে। ভেরিয়েবল রেফ্রিজারেট ফ্লো (ভিআরএফ), অত্যাধুনিক কুলিং প্রযুক্তি ছাড়াও একটি উন্নত আশ্রয় সনাক্তকরণ, বিপদ সংকেতধ্বনি এবং

আগুন নিয়ন্ত্রণ ও স্প্রিংকলার সিস্টেমে ভবনটিকে সুসজ্জিত করা হয়েছে। পাশাপাশি বাসবার ট্রাফিকিং সিস্টেম (বিবিটি) সহ ২৪ ঘন্টা নিরবিচ্ছিন্ন বিদ্যুৎ সরবরাহ সমর্থন করার জন্য ভবনটিতে প্রাইম ডিজেল জেনারেটর সহ একটি ১২৫০ কেভিএ সাবস্টেশন রয়েছে যা বিদ্যুৎ সঞ্চালনের জন্য বৈদ্যুতিক তারের একটি বিকল্প ব্যবস্থা।

অন্যান্য সুবিধার মধ্যে রয়েছে দুটি আধুনিক যাত্রীবাহী লিফট এবং একটি সার্ভিস লিফট। বর্তমানে এসএমসি ক্লিনিক, স্টোর, ট্রান্সপোর্ট অফিস এবং ঢাকা ওয়েস্ট এরিয়া অফিস এসএমসি টাওয়ার-২ তে তাদের নিয়মিত কার্যক্রম শুরু করেছে।



## চার্টার অব ডিমান্ড-২০২০-এর স্বাক্ষর অনুষ্ঠান



মতবিনিময় সফলভাবে সম্পন্ন হয়। অনুষ্ঠান চলাকালীন সময়ে, ব্যবস্থাপনা পরিচালক, সিনিয়র ম্যানেজমেন্ট এবং সিবিএ প্রতিনিধিগণ কোম্পানীর সাফল্য এবং লক্ষ্যকে সামনে এগিয়ে নিতে তাদের ইতিবাচক মূল্যবান অভিমত প্রকাশ করেন।

এসএমসি ইএল এর মানব সম্পদ এবং প্রশাসন বিভাগের ব্যবস্থাপনায় বিগত ১০ ডিসেম্বর, ২০২১ তারিখে অনুষ্ঠিত নির্বাচনের মধ্য দিয়ে বর্তমান সিবিএ নির্বাচিত হয়েছে। বাংলাদেশ শ্রম অধিদপ্তরের নির্দেশিকা অনুসারে, নবনির্বাচিত সিবিএ ২৮ ডিসেম্বর, ২০২০ তারিখে একটি চার্টার অব ডিমান্ড জমা দিয়েছে। এসএমসি ইএল এর একটি বিশেষ কমিটির প্রধান জনাব মোঃ ফিরোজ-উল-আলম, ডিএমডি-অপারেশনস সিবিএ এর সকল দাবি-দাওয়া মূল্যায়ন করেন। এসএমসি ইএল এর মাননীয় ব্যবস্থাপনা পরিচালকের দিকনির্দেশনায়, ১৪ আগস্ট, ২০২১ তারিখে ম্যানেজমেন্ট এবং সিবিএ এর সরাসরি এবং অনলাইন উপস্থিতির মাধ্যমে একটি উৎসবমুখর পরিবেশে স্বাগত অনুষ্ঠান এবং

## 'স্মার্টপিল'-এর উপর বৈজ্ঞানিক সেমিনার

এসএমসি ইএল এর ঢাকা এরিয়া অফিস বিগত ২০ সেপ্টেম্বর, ২০২১ তারিখে টাঙ্গাইলের কালিহাতী উপজেলা স্বাস্থ্য কমপ্লেক্সের চিকিৎসকদের নিয়ে চতুর্থ প্রজন্মের ওরাল কন্ট্রাসেপটিভ পিল (ওসিপি) 'স্মার্টপিল' নিয়ে একটি বৈজ্ঞানিক সেমিনারের আয়োজন করে। সেমিনারে প্রধান বক্তা ছিলেন ড. নাসরিন সুলতানা, এমবিবিএস, এফসিপিএস এবং সভাপতিত্ব করেন ড. উম্মে রহমান সিদ্দিকী, এমবিবিএস, পিএইচডি। সেমিনারে ৩ জন কনসালটেন্ট এবং ৭ জন উপ-সহকারী কমিউনিটি মেডিকেল অফিসার সহ মোট ১৫ জন গ্র্যাজুয়েট ডাক্তার অংশগ্রহণ করেন। ঢাকা ওয়েস্ট এরিয়া অফিসের সিনিয়র সেলস ম্যানেজার জনাব কে এম হাসিবুল হাসান এই প্রিমিয়াম পিলের কার্যকারিতা এবং উপকারিতা ব্যাখ্যা করার পাশাপাশি প্রজনন স্বাস্থ্য এবং স্বাস্থ্যবিধির ক্ষেত্রে এসএমসি'র কার্যক্রম এবং সাফল্যের একটি সংক্ষিপ্ত বিবরণ তুলে ধরেন। বাজারের চাহিদা পূরণে চতুর্থ প্রজন্মের পিল প্রবর্তন করার জন্য অধিবেশনের চেয়ারম্যান এসএমসি ইএল এর ব্যবস্থাপনা দলকে অভিনন্দন জানান এবং প্রশংসা করেন।



## এসএমসি নিয়ে এলো গর্ভবতী মহিলাদের জন্য মাল্টিপল মাইক্রোনিউট্রিয়েন্ট সাপ্লিমেন্টস (এমএমএস) 'ফুল কেয়ার'

জাতিসংঘের ইন্টারন্যাশনাল মাল্টিপল মাইক্রোনিউট্রিয়েন্ট এন্টিনেটোল প্রিপারেশন (UNIMMAP) দ্বারা সুপারিশকৃত মাল্টিপল মাইক্রোনিউট্রিয়েন্ট সাপ্লিমেন্ট (এমএমএস) কম ওজনের শিশু জন্মা (এলবিডব্লিউ) এবং ছোট গর্ভস্থ শিশুদের ক্রমবিকাশ প্রতিরোধে অত্যন্ত কার্যকরী সমাধান। বাংলাদেশের গর্ভবতী মহিলাদের প্রয়োজনীয় পুষ্টির পরিপূরকগুলো সাশ্রয়ী এবং সহজলভ্য করার লক্ষ্যে এসএমসি ৫ জুলাই, ২০২১ তারিখে 'ফুল কেয়ার' ব্র্যান্ডেড মাল্টিপল মাইক্রোনিউট্রিয়েন্ট সাপ্লিমেন্ট (এমএমএস) চালু করে। ফুলকেয়ার চালু হওয়ার পূর্বে এসএমসি'র সকল এরিয়া অফিসে এর সরবরাহ নিশ্চিত করা হয়। সংশ্লিষ্ট মাঠ কর্মীদের এমএমএস এর বিপণন কৌশলগুলোর উপর ধারণা প্রদান এবং

বিপণন প্রক্রিয়ায় তাদের অভিমুখী করার উদ্দেশ্যে একটি প্রশিক্ষণ প্রোগ্রামের আয়োজন করা হয়। ৬২টি জেলায় ফুল কেয়ারের সহজলভ্যতা রয়েছে এবং অনধিকারপ্রাপ্ত দুটি জেলাকে গর্ভবতী মহিলাদের উদ্বুদ্ধ করার উদ্দেশ্যে পাইলট উদ্যোগের আওতায় ইউনিসেফ/জিওবি-এর নিয়ন্ত্রণ এলাকা হিসাবে রাখা হয়েছে। গ্লোবাল অ্যালায়েন্স ফর ইমপ্রুভিং নিউট্রিশন (GAIN) এর সহযোগিতায় এবং চিলড্রেন ইনভেস্টমেন্ট ফান্ড ফাউন্ডেশন (CIFF) এর আর্থিক সহায়তায় পণ্যটি বাজারে আনা হয়েছে।



## এসএমসি ইএল কর্তৃক 'বিশ্ব ওআরএস দিবস ২০২১' পালিত



'বিশ্ব ওরস্যালাইন দিবস ২০২১' উদযাপন উপলক্ষ্যে এসএমসি তার সবচেয়ে মূল্যবান ব্র্যান্ড ওরস্যালাইন-এন এর জন্য 'এসএমসি ওরস্যালাইন দিবস ২০২১' শিরোনামে একটি ওয়েবিনার সেশনের আয়োজন করে। সেশনটি ২৮ জুলাই, ২০২১ তারিখে সন্ধ্যা ৭.৩০ টায় এসএমসি ওরস্যালাইন-এন, প্রথম আলো ফেইসবুক পেইজ এবং প্রথম আলো ইউটিউব চ্যানেলে সম্প্রচারিত হয়। বাংলাদেশের বিখ্যাত অভিনেতা ও সুপারস্টার এবং ওরস্যালাইন-এন এর ব্র্যান্ড অ্যাম্বাসেডর শাকিব খান ওয়েবিনারে যোগ দেন এবং দর্শকদের সাথে তার অভিজ্ঞতা ও চিন্তাধারা শেয়ার করেন। জনাব খন্দকার শামীম রহমান, জেনারেল ম্যানেজার, মার্কেটিং, এসএমসি ইএল; আইসিডিডিআর,বি এর খ্যাতনামা বিজ্ঞানী ড. মোহাম্মদ ইউনুস; ডাঃ সামিনা শারমিন, স্বাস্থ্য

বিশেষজ্ঞ, ইউনিসেফ বাংলাদেশ; ডাঃ সৌমিত্র চ্যাটার্জী, সহকারী অধ্যাপক, বিএসএমএমইউ ওয়েবিনারে অংশগ্রহণ করেন এবং শিশু স্বাস্থ্য, ডায়রিয়া এবং ডিহাইড্রেশন সম্পর্কিত গুরুত্বপূর্ণ বিষয় এবং বিভিন্ন প্রশ্ন নিয়ে আলোচনা করেন।

## স্বাদযুক্ত স্যালাইন 'এসএমসি ফ্রুটি' এখন বাজারে

বাংলাদেশে, দীর্ঘসময় গ্রীষ্মকাল থাকার কারণে আবহাওয়া সবসময় উত্তপ্ত থাকে এবং গ্রীষ্মকালীন বাজার দীর্ঘ হওয়ার কারণে ওরাল রিহাইড্রেশন সল্ট (ORS) এর বিক্রি বৃদ্ধি পাচ্ছে। ভোক্তাদের পছন্দ বিশ্লেষণ করে, এসএমসি এন্টারপ্রাইজ লিমিটেড (এসএমসি ইএল) গ্রীষ্মকালীন বাজারের চাহিদা বিবেচনায় ২০২১ সালের আগস্ট মাসে রিফ্রেশিং অরেঞ্জ ফ্লেভারের স্বাদযুক্ত স্যালাইন এসএমসি ফ্রুটি বাজারে আনে। এসএমসি ফ্রুটির প্রতিটি প্যাকেটে রয়েছে ১০ গ্রাম পাউডার যা ৫০০ মিলি বিশুদ্ধ পানিতে সঠিকভাবে মেশাতে হয়। পণ্যটি বাজারে আনার আগে, এসএমসি ইএল ৯-১০ আগস্ট, ২০২১ তারিখে বিক্রেতা এবং ডিস্ট্রিবিউশন সেলস অফিসারদের নিয়ে দুই দিনের ভারুয়াল ওরিয়েন্টেশন সেশনের আয়োজন করে যেখানে এসএমসি ইএল এর ব্যবস্থাপনা পরিচালক উপস্থিত ছিলেন। স্বাদযুক্ত ওআরএস প্রবর্তনের গুরুত্ব সম্পর্কে আলোচনা করার জন্য সিনিয়র ম্যানেজার, সেলস ট্রেনিং এবং মনিটরিং প্রশিক্ষণটি পরিচালনা করেন যেখানে জেনারেল ম্যানেজার, সেলস এন্ড মার্কেটিং এসএমসি ফ্রুটি এর বিপণন এবং বিক্রয় পরিকল্পনা শেয়ার করেন। পণ্যটি বর্তমানে ৬ টাকা মূল্যে খুচরা দোকানগুলোতে পাওয়া যাচ্ছে।



## 'জিফডে' - ফার্মার প্রোডাক্ট পোর্টফোলিওতে নতুন সংযোজন



বুকের দুধ খাওয়ানোর সময় আয়রন, জিঙ্ক এবং ফলিক অ্যাসিডের ঘাটতি

এসএমসি ফার্মার প্রোডাক্ট পোর্টফোলিওতে ২০২১ সালের জুলাই মাসে 'জিফডে' ব্র্যান্ডেড একটি নতুন পণ্য যুক্ত হয়েছে। এটি কার্বনাইল আয়রন, ফলিক অ্যাসিড এবং জিঙ্ক সম্বলিত সময়োপযুক্ত একটি ক্যাপসুল। বিশেষ করে গর্ভাবস্থা এবং শিশুদের

মেটাতে 'জিফডে' নির্দেশিত হয়। এছাড়াও, এটি আয়রনের ঘাটতিজনিত এনিমিয়া (আইডিএ), পুষ্টির অপ্রতুলতা, দীর্ঘস্থায়ী বা তীব্র রক্তক্ষরণ ইত্যাদি মোকাবেলায় সহায়তা করে। অন্যান্য আয়রন সাপ্লিমেন্ট (ফেরাস সালফেট/লৌহঘটিত গ্লুকোনোট ইত্যাদি) এর চেয়ে 'জিফডে' এর কার্যকারিতা অনেক বেশি কারণ এর পার্শ্বপ্রতিক্রিয়া তুলনামূলকভাবে অনেক কম। 'নিরাপদ ও স্বাস্থ্যকর গর্ভধারণ' স্লোগান নিয়ে যাত্রা শুরু করে পিঙ্ক স্টার স্বাস্থ্য সেবাপ্রদানকারীদের সহযোগিতায় লক্ষ্যিত জনগোষ্ঠীর কাছে ইতিমধ্যেই জিফডে একটি ইতিবাচক প্রভাব তৈরিতে সক্ষম হয়েছে।

## কর্মীদের দক্ষতা বিকাশে এইচআর এর উদ্যোগ



কোম্পানীতে নিয়োজিত কর্মীদের দক্ষতা এবং পারদর্শিতা উন্নয়নের অংশ হিসেবে, এসএমসি এন্টারপ্রাইজ লিমিটেড (এসএমসি ইএল) এর মানবসম্পদ (এইচআর) বিভাগ কর্মীদের জন্য এপ্রিল-জুন ২০২১ এ ভার্সুয়াল প্ল্যাটফর্মের মাধ্যমে ১১টি ব্যাচে একটি প্রশিক্ষণ কর্মসূচীর আয়োজন করে। এসএমসি ফার্মা 'আর্ট অব এফিশিয়েন্ট ফার্মাসিউটিক্যালস সেলস' এবং 'ফার্মাসিউটিক্যাল সেলস লিডারশিপ ট্রেনিং' এর উপর প্রশিক্ষণ কর্মসূচীর আয়োজন করে।

অংশগ্রহণকারীদের মধ্যে ছিলেন ২৩০ জন মেডিকেল ইনফরমেশন অফিসার (এমআইও/সিনিয়র এমআইও), ৩৫ জন এরিয়া ম্যানেজার, ৬ জন ডেপুটি সেলস ম্যানেজার এবং এসএমসি ইএল এর মার্কেটিং টিমের ৫ জন সদস্য। 'ম্যানেজমেন্ট এক্সেলারেশন প্রোগ্রাম' নামে আরেকটি লিডারশিপ প্রশিক্ষণের আয়োজন করে

এইচআর, যেখানে ২টি ব্যাচে ৭০ জন দক্ষ এবং প্রতিশ্রুতিশীল কর্মী অংশগ্রহণ করেন। প্রশিক্ষণটি পরিচালনা করেন প্রখ্যাত প্রশিক্ষক জনাব সাইফ নোমান খান, সহযোগী অধ্যাপক, আইবিএ, ঢাকা বিশ্ববিদ্যালয়।



## তামিম ও তার পরিবার 'সুপার কিড' এর ব্র্যান্ড অ্যাম্বাসেডর

বাংলাদেশের ওয়ানডে আন্তর্জাতিক ক্রিকেট দলের অধিনায়ক, তামিম ইকবাল খান, তার স্ত্রী আয়েশা সিদ্দিকা এবং তার একমাত্র ছেলে মোহাম্মদ আরহাম ইকবাল সুপার কিড ফর্টিফাইড কনফেকশনারি এর ব্র্যান্ড অ্যাম্বাসেডর হয়েছেন। ২৪টি ভিটামিন এবং মিনারেল সমৃদ্ধ এক প্যাকেট সুপার কিড শক্তির একটি ভালো উৎস এবং প্রয়োজনীয় ভিটামিন এবং মিনারেলের শতকরা ২৭% আরডিআই (রেফারেন্স ডেইলি ইনটেক) পূরণ করতে সক্ষম। এই পণ্যটি মার্কিন যুক্তরাষ্ট্রের ফর্মুলায় তৈরী এটি শিশুদের রোগ প্রতিরোধ ক্ষমতা, শারীরিক শক্তি এবং বুদ্ধিমত্তা বিকাশে সহায়ক। চাহিদা বিবেচনা করে, সুপার কিড দুটি ভিন্ন স্বাদে (দুধমালাই এবং বাদাম চকোলেট) চালু করা হয়েছে এবং বর্তমানে সকল আউটগোলোতে পাওয়া যাচ্ছে।

## বিশেষ দিবস পালনে গুরুত্ব প্রদান

### বিশ্ব জনসংখ্যা দিবস উদযাপন:

বাংলাদেশ সরকার, স্বাস্থ্য ও পরিবার কল্যাণ মন্ত্রণালয়ের (MOHFW) নেতৃত্বে পরিকল্পিত আনুষ্ঠানিকতায় বিশ্ব জনসংখ্যা দিবস (WPD) পালন করে। এবারের জাতীয় প্রতিপাদ্য ছিল 'অধিকার ও পছন্দই মূলকথা: প্রজননস্বাস্থ্য ও অধিকার প্রাধান্য পেলে কাজিত জনহারাও সমাধান মেলে'। স্বাস্থ্য ও পরিবার কল্যাণ মন্ত্রী জনাব জাহিদ মালেক ভার্সুয়াল সেশনে প্রধান অতিথি হিসেবে তার মূল্যবান বক্তব্য রাখেন। এসএমসি'র পক্ষ থেকে, জনাব মোহাম্মদ মহিউদ্দিন আহমেদ, হেড অব বিহেভিয়ার চেঞ্জ কমিউনিকেশন এবং অন্যান্য উর্ধ্বতন কর্মকর্তাগণ সেশনে উপস্থিত ছিলেন। পরিবার পরিকল্পনা অধিদপ্তর বিশ্ব জনসংখ্যা দিবসে একটি স্মরণিকা প্রকাশ করে যেখানে এসএমসি এবং এসএমসি এন্টারপ্রাইজ লিমিটেড তাদের বিভিন্ন কার্যক্রম সম্পর্কে একটি লেখা প্রকাশ করে।

### বিশ্ব মাতৃদুগ্ধ সপ্তাহ পালন:

'প্রোটেক্ট ব্রেস্টফিডিং: একটি শেয়ারড রেসপনসিবিলিটি' - 'বিশ্ব মাতৃদুগ্ধ সপ্তাহ ২০২১' এর প্রতিপাদ্যটি শিশুকে বুকের দুধ খাওয়ানো, নারী, শিশু ও জাতির বেঁচে থাকা এবং স্বাস্থ্য ও সুস্থতার সম্পর্কে উপস্থাপন করে। এসএমসি'র কমিউনিটি মোবাইলাইজেশন প্রোগ্রাম, 'নতুন দিন' বিভিন্ন কর্মকাণ্ডের মধ্য দিয়ে দিবসটি পালন করে। এর মধ্যে, ভার্সুয়াল আলোচনা সেশন এবং এসএমসি'র ইমপ্লিমেন্টিং পার্টনারদের সহায়তায় বিভিন্ন উপজেলায় মাঠ পর্যায়ের কার্যক্রমসমূহ বিশেষভাবে উল্লেখযোগ্য।



প্রধান সম্পাদক: মোঃ আলী রেজা খান; প্রকাশনা ও সার্কুলেশন: কর্পোরেট গ্র্যাফিক্স ডিপার্টমেন্ট; কৃতজ্ঞতা: সকল বিভাগকে তথ্য দিয়ে সহযোগীতার জন্য; ঠিকানাঃ এসএমসি টাওয়ার, ৩৩ বনানী বা/এ, রোড - ১৭, ঢাকা - ১২১৩, বাংলাদেশ।  
ফোন: +৮৮ ০২ ২২২২৫০৭৩-৮০, +৮৮ ০২ ২২২২৫০৮৫-৯২, ওয়েবসাইট: www.smc-bd.org